

Ո Ր Ո Շ ՈՒ Մ թիվ - 155
վարչական տույժ նշանակելու մասին

«07» հունիսի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա. Մնացականյանս, քննելով Շաղֆար Շահրոխի վերաբերյալ նյութերը՝

Պ Ա Ր Զ Ե Ց Ի՝

2021 թվականի ապրիլի 23-ին ՀՀ ՊԵԿ ՄԴՊ վարչության աշխատակիցները Մեղրիի մաքսային կետ-բաժնի մաքսային հսկողության գոտում զննության են ենթարկել ԻԻՀ մեկնող ԻԻՀ քաղաքացի Շաղֆար Շահրոխի կողմից շահագործվող <<HOWO>> մակնիշի, 76A823/4-10 հաշվառման համարանիշի բեռնատար ավտոմեքենան, ինչի արդյունքում ավտոմեքենային կցված բիտումի համար նախատեսված երկաթյա դատարկ տարայից հայտնաբերել են մաքսային հսկողությունից թաքցրած ընդհանուր 8 հատ շան ձագ:

Փաստի առթիվ Շաղֆար Շահրոխի նկատմամբ ՀՀ մաքսային օրենսգրքի 201-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն և իրականացվել է վարչական վարույթ, իսկ իրավախախտման անմիջական օբյեկտ համարվող 8 հատ շան ձագը վերցվել և ի պահ է հանձնվել ՄԴՊ վարչության շնագիտական բաժնում:

Վարչական վարույթի շրջանակներում Շաղֆար Շահրոխը բացատրություն է տվել այն մասին, որ 23.04.2021թ-ին իր կողմից շահագործվող <<HOWO>> մակնիշի, 76A823/4-10 հաշվառման համարանիշի բեռնատար ավտոմեքենայով փորձել է, մաքսային հսկողությունից թաքցնելով ՀՀ-ից ԻԻՀ արտահանել 8 հատ շան ձագ՝ Իրանում վաճառելու նպատակով, սակայն Մեղրիի մաքսային կետ-բաժնի տարածքում մաքսային զննման արդյունքում շները հայտնաբերվել և առգրավվել են: Հայտնել է նաև, որ ընդունում է իր կողմից կատարված իրավախախտման փաստը:

Վերոնշյալ 8 հատ շան ձագի շուկայական արժեքը 2021թ-ի ապրիլի 23-ի դրությամբ որոշելու համար՝ 28.04.2021 թվականին նշանակվել է ապրանքագիտական փորձաքննություն, որի կատարումը հանձնարարվել է ՀՀ ԳԱԱ «Փորձաքննությունների ազգային բյուրո» պետական ոչ առևտրային կազմակերպության փորձագետին:

ՀՀ ԳԱԱ «Փորձաքննությունների ազգային բյուրո» պետական ոչ առևտրային կազմակերպության փորձագետի 27.05.2021թ. թիվ 21-0047 Պ եզրակացության համաձայն՝ փորձաքննությանը ներկայացված 11 հատ շան ձագի շուկայական արժեքը 2021 թվականի ապրիլի 23-ի դրությամբ կարող էր կազմել 2.190.000 ՀՀ դրամ:

ԵԱՏՄ մաքսային օրենսգրքի 2-րդ հոդվածի 1-ին մասի 25-րդ կետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

Մաքսային կարգավորման մասին օրենքի 73-րդ հոդվածի 2-րդ մասի համաձայն՝ ՀՀ սահմանով արտահանվող ապրանքի մաքսային արժեքը գործարքի գինն է, այսինքն՝ այն բռնարը, որը փաստացի վճարվել է կամ պետք է վճարվեր ապրանքը արտահանելու պատահական ձեռք բերելու և մինչև ՀՀ սահմանը տեղափոխելու համար:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Շադֆար Շահրոխը 2021 թվականի հունիսի 07-ին հրավիրվել է ՀՀ ՊԵԿ հրավաքանական վարչություն՝ իր նկատմամբ ՀՀ մաքսային օրենսգրքի 201-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի առանց իր մասնակցության, սակայն վերջինս չի ներկայացել:

Սահմանային էլեկտրոնային կառավարման տեղեկատվական համակարգի տվյալների ուսումնասիրությունից պարզվել է, որ ԻԻՀ քաղաքացի Շադֆար Շահրոխն գտնվում է ՀՀ սահմաններից դուրս:

Այսպիսով, նյութերով պարզվել է, որ 2021 թվականի ապրիլի 23-ին ԻԻՀ քաղաքացի Շադֆար Շահրոխը, մաքսային հսկողությունից թաքցնելով՝ բեռնատար ավտոմեքենային կցված բիտումի համար նախատեսված երկաթյա դատարկ տարայում, ՀՀ մաքսային սահմանով տեղափոխել է 2.1906.000 ՀՀ դրամ մաքսային արժեքով 8 հատ շան ձագ, այսինքն՝ վերջինս թույլ է տվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման մաքսային կանոնների խախտում, ՀՀ ԳԱԱ «Փորձաքննությունների ազգային բյուրո» վերաբերյալ արձանագրությամբ, ՀՀ ԳԱԱ «Փորձաքննությունների ազգային բյուրո» պետական ոչ առևտրային կազմակերպության փորձագետի 27.05.2021թ. թիվ 21-0047 Պ եզրակացությամբ և Շադֆար Շահրոխի բացատրությամբ:


Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ հոդվածով, 206-րդ և 221-րդ հոդվածներով,

Ո Ր Ո Շ Ե Ց Ի՝

1. Շադֆար Շահրոխին (ծնված՝ 21.09.1986թ., բնակվող՝ ԻԻՀ, ք. Ջուլֆա, Մոխթարի փողոց) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված 8 հատ շան ձագի մաքսային արժեքի չափով՝ 2.190.000 ՀՀ դրամի չափով: /վճարումը 900005024055 հաշվեհամարին/

2. Որոշման մասին հայտնել Շ. Շահրոխին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՅԱԿԱՆՅԱՆ